

SANITÉ: La **doturia Mahlknecht** lascia alsavèi che ara é demez tl mèis de agost por motivs familiars. I doturs de sostituziun gnará comunicá plü inant.

COMUN: **Racoiüda dl refodam da Tosser** en lönesc, ai 4 de messé a San Martin dan le magazin di stödafüch dales 09.00 ales 10.00 a Lungiarü dan le magazin di stödafüch dales 10.30 ales 11.30

La **Defensuria Zivica é a San Martin** tla ciasa de comun en vëndres, ai 8 de messé, dales 14.00-17.00 sön prenotaziun 0471 946 020

PLOANIES SAN MARTIN Y LUNGIARÜ

Al vëgn presenté sò **Oies n teater musical alaleria**, por ladin. Le teater é nasciü da n'archirida dër avisa di documënc personai y dl tēmp da laota che nes condüj dër dlungia a sant Ojöp da Oies, na porsona plëna de coraje, de suzes y de renunzies, de umanité y de amur. Le teater é gnü metü a jí dal Sorvisc ai Jogn, sön le test de Carlo Suani d'Al Plan y la musiga de Antonio Rossi d'Ampëz, en colauraziun cun la Musiga de Badia, cun Fridl Pescoller y Bruno Rives (direziun musicala), Valentina Kastlunger y Bernardetta Nagler (reja), Anastasia Kostner (coreografia), Ursula Tavella (scenografia/costüms). Les presentaziuns é ai 22 vëndres, 23 sabeda, 27 mercui, 29 vëndres y 31 sabeda de messé, vigni iade dales 21.00. An pó prenoté i posc (ticket) por internet y paié diretamēter pro la cassa tl'entrada.

<https://reservation.ticketleo.com/event/21612/ujoep-da-oies/58277/seating>; chiló odëise ince la desponibilité di posc.

Sc'al ess da plovèi un o dui de chisc dis, spo vëgn la presentaziun tuta ite i dis danter chēstes dates. Sce la presentaziun ess da gní spostada vëgn vignun avisé cun na comunicaziun e-mail (ch'an adora da se prenoté por l'ater iade).

SAN MARTIN

Dër bel dilan a dōtes les porsones che á fistidié y daidé por che la prozesciun eucaristica dla festa dl Cōr de Gejú ais podü garaté y gní tignida te na maniera solëna y sintida. *Siur Heinrich cun le Consëi de Cōra.*

En dedemesaledema, ai 6 de messé, dales 17.00 inant, vëgnel sié la cortina. Da bur tēmp la jöbia. Chi che vëgn a daidé, dess denant cherdé sò Leo 348 40 96 351

LUNGIARÜ

Pro Senectute: I Seniors da Lungiarü é dër bel inviá ala griliada dla uniun en domënia ai 10 de messé, dales 12.00, tla ütia dla segra. Al gnará trat ite n pice contribut de 5,00 € por porsona.

La **Ciasa de Palsa** chir personal da daidé fora te deplü reparc: ciasadafüch, salf di pasc, puzené, lavandaria. Al é la poscibilité da daidé ma te un n repart o ince te deplü. Le debojëgn é sëgn por l'isté cun la poscibilité da arlungé le raport ince do l'isté. Info valentin.erlacher@ciasadepalsa.it o 0474-524786.



Plata dles Ploanies San Martin y Lungiarü



ploan siur Klaus Sottas 344 15 54 055 - ksottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

03.07. - 10.07.22 nr. 32

ultimo termo por comunicaziuns: jöbia, dales 20.00

14ª DOMÈNIA IA POR L'ANN C

Vangele do Lūca 10,1-12.17-20

Te chël tēmp à le Signur chirì fora setantedui d'atri discepu
y i à ortié dui a dui danfora te dōtes les citēs y ti posc olach'al ê por jì.
Al ti à dit: La racoiüda é grana, mo al é mâ püc laurané. Periede porchël
le patrun dla racoiüda ch'al mēnes fora laurané por süa racoiüda.
Jide! I ves ortiëi fora sciöche bisces danter i lus. Ne tolēsse degun tacuin,
degōna sportula y degügn cialzà! ... Sc'i rovëis te na cīasa, spo dijede por
pröm: Pêsc a chēsta cīasa! Y sc'al abitëia dailò n chistian dla pêsc,
spo s'architarà la pêsc, ch'i ti aodëis, sön ël;
sce nia, gnarà derevers sön os. Romagnede
te chēsta cīasa, mangede y boiede ci ch'an
ves pîta; deache chël che laora, à n dërt sön
so paiamënt. ... Sc'i rovëis te na cité y an
ves tol sò, spo mangede ci ch'an ves tēnn sò.
Varide i amarà che é dailò y dijedi ala jënt:
Le règn de Dî é daimprò. ...
No ralegrésse porchël che i spiric ves stima,
mo ralegrésse che üsc inoms é scrié sò tl cil.



*"La racoiüda é grana!" Chēstes parores de Gejú me sá na cuntradiziun.
Na gran racoiüda?*

*A mëssa nen vëgnel ma plü na picia porcentuala
y tles uniuns y grups dla ploania ne ciarera gnanca fora dër bun.*

*Magari él da ciaré dal ater vers: ne ciaré nia sön ci che ne vá nia bun,
mo ciaré sön chë tröpa jënt a chëra ch'ara ti vá mal.*

*Ara á debojëgn de nosc aiüt y nosc amur, de nosc impëgn y nosta speranza.
Tröc de chisc ne gnará mai a dljia o ne se lasciará mai abiné ite te na uniun,
mo, tres nos, pói forsc sintí n toch dl règn de Dî.*

Image

EDEMA	SAN MARTIN	LUNGIARÜ	 I periun do l'intenziun dl Papa tl mëis de messé I periun por la jënt vedla; che súa esperiënza y súa sapiënza dëides i jogh da jí cun speranza y responsabilité adincuntra al dagní. -----  Che " sü inoms é scric sö tl cil ", de chël dess s'alegré i discepoi che vëgn derevers da Gejú da so iade de misciun, y nia dl suzes ch'ai á albü. Gejú ó nes dé da capí: Suzes n'é nia la condiziun por ciafé n daciassa tl cil . Al é plü important da se lascé ite cun Gejú y se mëte a so sorvisc: se lascé ortié a ti porté la buna noela ala jënt cun parores y operes. Le tru adincuntra ala jënt é le tru che condüj a cil. Sambëgn messunse vignun se damané: Co ti porti pa iö ala jënt, sëgn y chiló, la buna noela dl règn?
03.07.22 14^a Domënia ia por l'ann C	9.00 Corona por vocaziuns 9.30 Gran Mëssa por la Comunité en onú de Sant Antone + + siur Angel M. y siur Merch Gr. Benedisciun dl tëmp	7.50 Corona 8.15 Gran Mëssa por la comunité en onú de Sant Ojöp Frëinadamez Benedisciun dl tëmp 15.00 Corona tla capela de S.Ojöp Fr.	
04.07.22 Lönesc <i>Elisabeta dl Portugal, Berta, Durich</i>			
05.07.22 Dedolönesc <i>Antonius M.Z., Letizia</i>	19.00 Mëssa + + Tone y Maria Unterweger + Iarone Rubatscher		
06.07.22 Dedemesaledema <i>Maria Goretti, Marieta</i>		7.30 Mëssa + Marino Clara, Ties + Vito Clara	
07.07.22 Jöbia <i>Claus, Edda</i>	7.30 Mëssa + Mariangel Tavella Corona por vocaziuns		
08.07.22 Vëndres <i>Kilian, Edgar</i>	18.30 Adoraziun chita 19.00 Adoraziun deboriada	7.30 Mëssa + + Animes dl Purgatore + + Agostin y Maria Daporta	
09.07.22 Sabeda <i>Veronica Giuliani</i>	20.00 Mëssa prefestia (cun siur Klaus) + Angelina Vanzi Baldissera + Pire Erlacher, Cheder	18.30 Mëssa prefestia (cun siur Klaus) dl ann + Emma Clara, Col dl ann + Sepl Rives dl ann + Giacomo Clara dl ann + Albina Clara	
10.07.22 15^a Domënia ia por l'ann C	9.00 Corona 9.30 Gran Mëssa por la Comunité + + Milio y Tile Castlunger + Paul Graffonara (dl ann) Benedisciun dl tëmp	7.50 Corona 8.15 Gran Mëssa por la comunité dl ann + siur Fonjo Clara Benedisciun dl tëmp 15.00 Corona tla capela de S.Ojöp Fr.	